

Plitost sigl ur dalla val

Bien pia – il Franciscus HENDRY (1694–1756) ei documentaus a Camischolas, els plats dils praus grass sin la morena sulegliva. Gia ils affons da Jacob Andriu HENDRY (1746–1805) han praus da Maunsut, sco per semeglia enta Nacla, el vischinadi da Surrein. Ed ei semeglia sco sch'ils descendents dalla schlatteina HENDRY vessen stuiu cumprar ord sura lur praus.

Tenor las indicaziuns dils documents ein naparts dils vegnentsuenter da Franciscus HENDRY semaridai cun dunnas vallesanas neu dallas famiglias: Maler, Riedi, Schmedt, Genelin, Giossi, Peder, Lorez, Maculin e Monn. Onz schlatteinas ella periferia dalla Val Tujetsch. Bunamein senza vuler patratgan ins da Nacla, Canadal, Caspaua, Giuv e Gravas. Las schlatteinas dallas famiglias per propi da Rueras e Camischolas, sco per exempel: Beer, Berther, Decurtins e Deflorin, Gieriet e Venzin ein struschamein dad anflar en l'entira descendenza. Ei bein da capir e natural – sch'ins ha giu las letgas van ins buca si per la cresta da Surrein e giudvart a Cavorgia. Ed igl ei daveras capitau che la gliעד dils uclauns en la Val Tujetsch ha fatg „denter ella" che vul dir ch'ella hagi era maridau parents datier. Sco per semeglia il Sep Antoni HENDRY (1835–1903) che ha maridau sia cusrina, la Ottilia HENDRY (1839–1909).

Senza far resortir aposta - mo ins schess che las famiglias HENDRY seigien tuttas stadas plitost paupras; dallas colonias periferas anora ein ellas buca dadas els egl. Ils representants han giu da far pauc cun il register funsil. – Damai che quasi tut las scartiras avon la mesadad dil gissiatavel tschentaner ein idas a piarder – u barschadas (e cun ils cudischs parochials han ins entschiet per suenter) eis ei grev da mussar ora, con presenta ed actuala la famiglia HENDRY ei insumma stada en la Val Tujetsch, silmeins la descendenza ch'ei sescretta sco ins sescriva oz.

Milsanavon s'ei buca d'emblidar che las elecziuns dils geraus ein stadas ligiadas da lezzas uras vid in cert census (ins stueva ver ina facultad da pressapau francs 13 000.– ed enzanua stat ei scret da diesch vaccas da latg). Ina rauba semeglionta vevan las famiglias HENDRY buc. Per consequenza ei in representant dalla famiglia HENDRY aunc mai staus premgerau dalla Val Tujetsch.

La derasaziun dil num HENDRY dil Plaun sogn Leci anora

Dil Plaun sogn Leci anora (a Cavorgia) ei la descendenza HENDRY sefatga considerablamein. In grond diember ha bandunau la Val Tujetsch. Ils vegnentsuenter dallas persunas stadas en la val cun lur 80 dels (tenor il cudisch „Tujetsch", 1987, casa editura Desertina, Mustér) stattan el 5avel rang dallas schlatteinas tuatschinas.

A sogn Leci (Cavorgia) habitescha mo pli il Nazi HENDRY (1925), fegl da Leci Antoni HENDRY (1884–1953), staus secasaus a Surrein. Ton ch'il Nazi HENDRY ei il sulet habitont dil liug.

Ella Val Tujetsch ein las famiglias HENDRY secasadas a:

Cavorgia
Surrein
Sedrun
Camischolas
Bugnei

Pudess esser remarcabel; dadens il Dutg grond anflan ins buca avdents cun il num HENDRY. Bravamein interessantas ein las indicaziuns els cudischs da telefon digl onn 1993; la schlatteina HENDRY serepeta a:

Sedrun 28 ga
Cuera 8 ga
Turitg 8 ga
Berna 2 ga

Ed ordeifer il cantun Grischun serepeta il num HENDRY 37 ga (els differents logs dalla Svizra). E cun il Grischun ensemen dat ei tuttina: 71 menaschi

Probabel han las numerusas famiglias HENDRY en autras tiaras, sco per semeglia:

Scozia
Engheltiara
Irlandia
Stadis uni
Canada
Australia
Nova Zelanda

da far pauchet cun la schlatteina HENDRY en la Val Tujetsch, aschia ch'ils descendents dil liug han da far nuot cun la noblezia en Scozia che han giu il tetel da cont e contessa.

En Tiaratudestga perencunter ein ils tenercasa dils HENDRY indicai ual 16 ga e zuar cun nums che selain tuttina cumparegliar cun quels da nossa derivonza, sco per exempel: Barbara, Hildegard, René, Richard, Roberta, Susanna ed Ursula.